

# **Aningaasarsianit akileraarutit pillugit Inatsisartut inatsisaata allanngortinnera pillugu Inatsisartut inatsisaat**

**(Suliffeqarfii suliffeqarfissuarni imminut atasut akornanni akinik aalajangiineq pillugu pisut ilaanni uppersaatinik ingerlaavartumik nassiussisarneq suliffeqarfinillu atorunnaarsitsinermi iluanaarutit akileraaruserneqartarnerat kiisalu pisortanit ikiorsiissutit pillugit inatsit allanngortinneqarnerisa kingunerisaattut aaqqiinerit)**

## **§ 1**

Inatsisartut inatsisaanni nr. 12, 2. november 2006-imeersumi, ilaatigut Inatsisartut inatsisaatigut nr. 2, 16. april 2007-imeersukkut, Inatsisartut inatsisaanni nr. 11, 15. november 2007-imeersukkut, Inatsisartut inatsisaanni nr. 9, 5. december 2008-meersukkut, Inatsisartut inatsisaatigut nr. 3, 30. november 2009-meersukkut, Inatsisartut inatsisaanni nr. 9, 3. december 2012-imeersukkut, Inatsisartut inatsisaatigut nr. 10, 29. november 2013-imeersukkut, Inatsisartut inatsisaatigut nr. 7, 6. juni 2016-imeersukkut Inatsisartut inatsigaatigut nr. 22, 28. november 2018-imeersukkut, Inatsisartut inatsisaanni nr. 41, 2. december 2019-imeersukkut, kingullermillu Inatsisartut inatsisaanni nr. 11, 1. december 2021-meersukkut allanngortinneqartumi imatut allannguisoqarpoq:

**1. § 34, nr. 10, imatut oqaasertalerneqarpoq:**

”10) pisortanit ikiutisiat akuersissutigineqartut:

- a) innarluuteqarnermut peqqissutsimullu tapiissutitut, utoqqalinersiutit pillugit Inatsisartut inatsisaat malillugu aningaasatigut atugassalluunniit tunngavigalugit tapitut ikiorsiissutigineqartut.
- b) pisortat ikiorsiissutaat pillugit Inatsisartut inatsisaat malillugu ineqarnermut ikiorsiissutitut, tapiissutitut, ataasiartumik pinartumik ikiutisiatut, ataasiartumik aningaasartuutitut ikiutisiatut, nuunnermut ikiutisiatut, ilisinermi aningaasartuutitut akiliutitut ikiutisiatut, angalanermut aningaasartuutitut akiliutitut ikiutisiatut aamma angerlarluni angalanermut ikiutitut,
- c) inissiani attartortittakkani ineqarnermut tapiissutit pillugit Inatsisartut inatsisaat malillugu ineqarnermut tapiissutitut,

- d) meeqqat tapersorsorneqarnissaannut Inatsisartut inatsisaat malillugu meeqqanut inuusuttunullu ikiorsiissutitut,
- e) inuit innarluutillit tapersorsorneqarnissaannut Inatsisartut inatsisaat malillugu inunnut innarluutilinnut ikiorsiissutitut,
- f) siusinaartumik soraarnerussutisiat pillugit Inatsisartut inatsisaat malillugu immikkut pisariaqartitanut matussutitut ataasiartumik ikiorsiissutitut.”

**2. § 36 b, imm. 1-imi, oqaaseqatigiit aappaattut ilanngunneqarpoq:**

”Tamanna pillugu paasissutissat akileraaruseriffiup periuseq innersuussutaa atorlugu kingusinnerpaamik 15. juni elektroniskinnngorlugit nassiunneqassapput, takujulli akileraaruserinermik ingerlatsineq pillugu Inatsisartut inatsisaanni § 16. imm. 5.”

**3. § 36 b, imm. 2, imatut oqaasertalerneqarpoq:**

” Imm. 2. Akileraartussaataasooq nuutsinernut aqunneqartunut akit piumasaqaatillu qanoq aalajangersarneqarnerannut allaganngorlugu uppersarsaasiussaaq toqqortaralugillu, takujulli imm. 4. Allaganngorlugu uppersarsaat ukiup naatsorsuusiortusup atortuni pineqartup naanerani ukiuni tallimani isumannaatsumik toqqorneqassaaq. Allaganngorlugu uppersarsaat imatut isikkoqassaaq illuatungeriit imminnut atanngitsut nuussinernik naammassinnissimasinnaanerani naapertorlugu akit piumasaqaatillu qanoq aalajangersarneqarnerannik nalilersuinerit tunngavissinnaalluni. Nuussinernut aqunneqartunut annertussutisimikkut akulissutisimikkullu pingaaruteqanngitsunut allaganngorlugu uppersarsaasiortoqassanngilaq. Akileraartussaataasooq akileraaruseriffiup qinnuiviginninneratigit uppersarsaatit sivikinnerpaamik ulluni 60-inik piffissaqartitsilluni piffissarititap akileraaruseriffimmit aalajangerneqartup iluani nassiutissavai. Suliffeqarfiit suliffeqarfissuarni imminnut atasut taakkualuunniit peqatigalugit akileraaruserinermik ingerlatsineq pillugu Inatsisartut inatsisaanni § 16 imm. 3 malillugu nammineerluni nalunaarsuinerup tunniunniissaanut piffissarititap kingorna allaganngorlugu uppersarsaatini kingusinnerpaamik ullut 60-it qaangiunneranni ingerlaavartumik tunniussisussaataanerannut piumasaqaatit minnerpaaffissaat pillugit Naalakkersuisut malittarisassiorsinnaapput. Naalakkersuisut allaganngorlugu uppersarsaatit imarisassaak akileraartussaataasullu ilaasa taamaallaat nuussinernut sukumiinerusumik taaneqartunut allaganngorlugu uppersarsaasiornissaat pillugu malittarisassiorsinnaapput.”

**4. § 36 b, imm. 4, imatut oqaasertalerneqarpoq:**

” Imm. 4. Akileraartussaataasooq nammineq imaluunniit suliffeqarfiit suliffeqarfissuarmut atasut peqatigalugit, tak. § 36 a, imm. 4, 250-it ataallugit sulisoqartoq ukiumut 125 mio. kr. ataallugit oqimaqatigiissaaruteqartoq imaluunniit ukiumut 250 mio. kr. ataallugit kaaviiartitaqartoq taamaallaat ukununga akit piumasaqaatillu qanoq aalajangersarneqarnerannut allaganngorlugu uppersarsaasiussaaq toqqortaralugillu:

- 1) Inunnut pappiaqqatigullu inunnut nunani allaneersunut iliuutsinut nakkutigisaasunik nuussinernut, § 36 a, imm. 6 takuuk, Kalaallillu Nunaata naalagaaffiullu allap pineqartup akornanni marloqiusamik akileraartannginnissamut isumaqatigiissuteqarfiunngitsunut.
- 2) Iliuutsinut nakkutigisaasunut nunani allani aalajangersimasumik ingerlatsiveqartuni, takuuk § 36 a, imm. 6, Kalaallillu Nunaata naalagaaffiullu allap pineqartup akornanni marloqiusamik

akileraartannginnissamut isumaqatigiissuteqarfunngitsunut.

3) Iliuutsinut nakkutigisaasunut Kalaallit Nunaanni aalajangersimasumik ingerlatsiveqartuni, tassani akileraartussaataasooq, § 36 a, imm. 1, nr. 5 naapertorlugu naalagaaffimmi aallami Kalaallit Nunaannik marloqiusamik akileraartannginnissamik isumaqatigiissuteqanngitsumi angerlarsimaffeqarnera toqqammavissaatillugu.”

5. § 72 atorunnaarsinneqarpoq.

6. § 105, imm. 1, nr. 7 aamma 8, imatut oqaasertalerneqarput:

”7) nuussinerit aqunneqartut pillugit killilimmik uppersaasiortussaataanermit piumasaqaatit eqqortinnerat pillugu eqqunngitsunik salloqittaalluniluunniit paasissutissiineq, tak. § 36 imm. 4, imaluunniit

8) nuussinerit aqunneqartut pillugit allaganngorlugu uppersaatinik § 36 b, imm. 2 malillugu aamma nunamit nunamut nalunaarutininik suliarineqartussaataasunik piffissaq eqqorlugu tunniussinngitsoq, tak. § 36, imm. 6-12.”

## § 2

Inatsisartut inatsisaat ulloq 1. januar 2023 atuutilersinneqarpoq.

*Imm. 2.* Inatsisartut inatsisaat ukioq isertitaqarfusoq 2023 aallarnerfigalugu ilanngullugu atuutilissaaq.

*Imm. 3.* § 1, nr. 5-ip atuutilerfissaanut ulloq Naalakkersuisut nalunaarummi aalajangersassavaat.

*Kalaallit Nunaanni Namminersorlutik Oqartussat, ulloq 25. novembari 2022*

Múte Bourup Egede  
Naalakkersuisut Siulittaasuut

Namminersorlutik Oqartussat  
Imaneq 4  
3900 Nuuk  
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut